

PRONI mjesečni bilten

MAJ 2010. godine



SADRŽAJ

- Učenice generacije P.1
- Mladi i mediji P.2
- Otvoreni parlament VESTA P.3
- Sjednica komisije za mlade BiH P.4
- Akreditacija PRONI-a P.5

Volonterke PRONI-a, Ljiljana i Biljana Đurđević, učenice generacije !!!

Prvi put u poslijeratnoj istoriji JU Gimnazija „Vaso Pelagić“ u Brčko distriktu blizankinje su proglašene za učenika/ce generacije. Biljana i Ljiljana Đurđević su veoma aktivne djevojke što u školi, što u vannastavnim aktivnostima. Obje volontiraju u PRONI Centru za omladinski razvoj.

Interesantno je da su aktivne u različitim poljima i da imaju različita interesovanja. Ljiljana planira da upiše elektro-tehniku, a Biljana stomatologiju i trenutno se spremaju za prijemne ispite. Ljiljini omiljeni predmeti u školi su fizika, matematika i hemija, dok Bilju najviše interesuju biologija i hemija. Obje su članovi učeničkog vijeća, vole glumu, čitanje i veoma su ambiciozne. Bilja je veoma dobar debatant i voli da sve drži pod kontrolom, dok Ljilja voli da rizikuje.

Odlično se međusobno razumiju i radije će uskratiti nešto sebi ili jedna drugoj, nego ljudima oko sebe. Što pokazuje njihovu humanost.

Prezentacija FOP-a!!!

PRONI Centar za omladinski razvoj je i tokom mjeseca maja u saradnji sa Njemačkom fondacijom "SCHÜLER HELFEN LEBEN" nastavio aktivan rad na promociji FOP (fonda za omladinske projekte), koji je najmlađi projekat fondacije. PRONI Aktivista za ljudska prava Mladen MIJIĆ u saradnji sa AS u BiH (asocijacija srednjoškolaca u BiH) sproveo je tokom maja mjeseca prezentaciju Savjetu učenika u srednjoj Gimnaziji i Tehničkoj školi u Bijeljini.



MLADI I MEDIJI



U ponedjeljak 10.05.2010 je održana debata na temu "Nedostatak interesa medija za mlade". Projekat je obuhvatio četiri brčanske srednje škole Gimnaziju, Ekonomsku, Tehničku i Poljoprivredno – medicinsku školu, te banjalučku Gimnaziju koje su uradile istraživanje na nivou škole na temu zastupljenosti mladih u medijima. Sva istraživanja su prezentovana na samoj debati. Debatu su prisustvovali direktori, pedagozi, nastavnici i učenici srednjih škola, urednici i novinari lokalnih medijskih kuća te dopisnici FTV, BN TV i RTRS

Sama debata je imala veoma kvalitetan dijalog, koji je rezultirao i zaključcima, a to su:

- Mladi se moraju predstaviti medijima sa kvalitetnijim projektima
- Mediji trebaju imati više tolerancije i razumijevanja za mlade sa idejama
- Obezbijediti efikasniju komunikaciju između medija i škola

Ujedinjenim snagama raditi na promjeni medijskih principa "gdje ima krvi-čanak ide prvi"

Pored toga, debata je rezultirala i konkretnim dogovorima između dopisništva RTRS-a i učenika srednje ekonomske škole u Brčkom, oko snimanja spota i promocije istog. Na debati je izabran najbolji debatant i najbolja prezentacija, tako da je Ekonomska škola ponijela zahvalnicu za najbolju prezentaciju, na kojoj su radili Eldar Čejvanović i Aleksandra Lukić, dok je učenik brčanske Gimnazije Emsal Bešić ponio zahvalnicu za najboljeg debatanta. Debata je sprovedena u saradnji PRONI Centra za omladinski razvoj i učeničkih vijeća dvije brčanske srednje škole. Projekat je finansijski u potpunosti podržan od strane SHL-a (Schuler helfen leban), kroz FOP (Fondacija omladinskih projekata) projekte. Evaluacija grupe učenika, koji su radili na ovom projektu, govori da će nastaviti raditi na rješavanju ovog problema.

Trening za volontere/ke

PRONI Centar za omladinski razvoj je 15. maja 2010. godine organizovao trening za volontere u Brčkom iz oblasti Komunikacije u prostorijama kancelarije PRONI-a.

Teme koje su obrađene u oblasti komunikacije su:

- verbalna – neverbalna komunikacija,
- pisanje meilova,
- asertivnost,
- kontakti među volonterima kroz facebook, SMS,
- šumovi u komunikaciji.

Teme za neke od sledećih treninga biće pisanje CV-ja (biografije) i motivacionog pisma, kao i simulacija intervjua za posao.

SASTANAK OMLADINSKIH ORGANIZACIJA U BIJELJINI!!!

Tokom mjeseca maja 2010. godine održan je još jedan redovni sastanak omladinskih organizacija u Bijeljini. Ovaj sastanak je imao za cilj pokretanje inicijative na poboljšanje položaja mladih u opštini Bijeljina i da se poduzmu konkretni koraci kojima bi se poboljšao položaj mladih na području ove opštine. Opština Bijeljina iz godine u godinu smanjuje, kako sredstva, tako i programe za mlade na svom području, a broj omladinskih organizacija se konstantno povećava, što ukazuje na činjenicu da postoji potreba za omladinskim radom i angažovanjem.

PRONI Centar je član ove grupe i kroz javno zagovaranje želimo da utičemo na vladajuće strukture opštine Bijeljina da prije svega kreiraju, razviju i implementiraju strategiju za rad sa mladima na ovom području.



Podrška PRONI-a Otvorenom parlament Vesta!!!

U Brčkom je 13.05.2010. godine održan sastanak u okviru projekta „Civilni dijalog za unapređenje prava žena i djece u BiH“. Nosioc projekta su udruženje VESTA iz Tuzle u partnerstvu sa Fondacijom One World – Platforma za jugoistočnu Evropu uz finansijsku podršku Evropske unije u okviru programa EIDHR. Uloga PRONI Centra za omladinski razvoj je suorganizatora i učesnika na ovom sastanku. Projekat se implementira na području cijele Bosne i Hercegovine sa ciljem doprinosa procesu jačanja kapaciteta civilnog društva i vladinih institucija za uspostavljanje civilnog dijaloga za unapređenje položaja žena i djece u BiH.

Cilj ovog sastanaka je da se pokrene konstruktivan dijalog između predstavnika/ca civilnog sektora i predstavnika/ca vlasti, kako bi se kompilirale preporuke za uvođenje standarda za konsultacije vladinog sektora sa civilnim društvom, a generisane ideje, prijedlozi i zaključci će biti upućeni relevantnim institucijama na razmatranje. Efikasan mehanizam za konsultacije će se pokušati iznaći kroz diskusiju o aktuelnim temama koje reflektiraju položaj žena i djece u BiH, a to su:

Kreiranje i usvajanje Državne strategije za borbu protiv nasilja nad djecom 2011-2014;

Izmjene i dopune Zakona o zaštiti od nasilja u porodici;

Izmjene i dopune kantonalnih Zakona o osnovama socijalne zaštite, zaštite civilnih žrtava rata i zaštite porodice s djecom u dijelu koji se odnosi na procjenu sposobnosti i određivanje podrške djeci i mladima sa posebnim potrebama.



Pregled sadržaja YOUTH ZONE za maj 2010!!!

PRONI-jeva radio emisija postaje sve interesantnija kako za volontere koji aktivno rade na emisijama tako i za slušaoce i aktore u društvu. Emisije se emituju redovno, volonteri imaju sve više iskustva na ovom polju i ideja. Tokom mjeseca maja gost u emisiji je bila Suzana Petrić, dir. Muzičke škole u Brčko distriktu, i razgovaralo se o istorijatu muzičke škole u Brčko distriktu, o trenutnom radu i budućim planovima, kao i o nagradama koje su osvojene do sada.

U posljednjoj emisiji u maju mjesecu gost je bio Fatmir Sulejmani iz Brezovog Polja koji već duže vrijeme učestvuje na raznim takmičenjima za dječiju pjesmu u BiH i šire. Fatmir je osvojio treće mjesto na takmičenju u Mađarskoj i prvo mjestu u Banjaluci na takmičenju „Prvi aplauz“. Tokom ove emisije Fatmir je ispunjavao želje slušalaca koji su zvali u program uz pratnju na gitari svog brata Mejdija Sulejmanija, koji je volonter PRONI-a.





Peta sjednica komisije za koordinaciju pitanja mladih BiH!!!

Od decembra prošle godine je uspostavljena novi saziv Komisije za koordinaciju pitanja mladih BiH. Novi saziv Komisije ima devet članova, od kojih su pet članova predstavnici organizacija koje se bave mladima, a četiri člana predstavljaju institucije vlasti. Brčko distrikt ima samo jednog predstavnika i to NVO-a, a to je Katarina Vučković, iz PRONI Centra za omladinski razvoj Brčko distrikta BiH.

Cilj rada Komisije za koordinaciju pitanja mladih BiH ove godine je izrada Koordinisane strategije za mlade BiH.

Do sada je Komisija imala pet redovnih sjednica. Međutim, njeni predstavnici su bili učesnici nekoliko konferencija regionalnog karaktera. Pored ovoga, Komisija je započela kontakte sa nevladinim organizacijama mladih u BiH i u mjeri, u kojoj to naravno može, pruža podršku aktivnostima organizacija svojim prisustvom.

Članovi komisije su:

- * Mirjana Nikolić, predsjednik komisije, Ministarstvo civilnih poslova BiH,
- * Dario Sandić, Ministarstvo porodice omladine i sporta RS,
- * Suvad Džafić, Ministarstvo civilnih poslova BiH, Katarina Vučković,
- * Senad Vankota,
- * Alma Branković, Ministarstvo civilnih poslova BiH,
- * Emil Balavac,
- * Jelena Savanović, OSRS,
- * Mladen Čančarević, OSRS

Zaposlenik PRONI-a član projektnog tima OSRS-a

Bojana Sekulić, menadžer za PR i obrazovanje u PRONI Centru za omladinski razvoj, postala je član još jednog projektnog tima i to OSRS-a (Omladinski savjet Republike Srpske).

Projektini tim Omladinskog savjeta Republike Srpske broji jedanaest članova, tj. mladih ljudi koji su aktivisti u omladinskim nevladinim organizacijama.

Članovi projektnog tima su za svoj rad odgovorni Predsjedniku OSRS-a. Tim je trenutno zadužen da pokrije sedam oblasti iz Omladinske politike projektima, koji će biti implementirani na nivou Republike Srpske.

Bojana Sekulić je zadužena da ispred Tima radi na rješavanju dva pitanja iz Liste prioriteta, i to:

- Kako ostvariti veću međunarodnu mobilnost mladih?
- Kako ostvariti veću međugradsku/lokalnu mobilnost mladih?

Zaposlenik PRONI-a predsjednik Izvršnog odbora NVO Vijeća BiH!!!

Bojana Sekulić, menadžer za PR i obrazovanje u PRONI Centru za omladinski razvoj Brčko distrikta BiH, postala predsjednik Izvršnog odbora NVO Vijeća BiH. U petak 28.05.2010. godine Bojana je održala radionicu članovima NVO vijeća koja je imala za cilj da se donesu argumenti za i protiv registracije. Pošto je na jednom od prethodnih sastanaka Randy Puljek Shank je rekao kako već duže vrijeme postoji interna diskusija da li treba da se NVO Vijeće registruje kao pravno lice i da je u januaru odlučeno da se održi radionica od četiri sata, kao i da je želja NVO Vijeća da se to uradi što prije.

Članovi su radili u manjim grupama na radionici i sada traje proces sastavljanje dokumentacije za i protiv registracije, da bi ostale članice, koje nisu prisustvovala radionici mogle na osnovu nečega donijeti odluku. Tako da će se o ovom pitanju dalje diskutovati.

Trening za facilitatore Friedrich-Ebert fondacije



Zaposlenici PRONI Centra za omladinski razvoj Brčko distrikta BiH: Katarina Vučković, menadžer omladinskog rada i Jasmin Jašarević, generalni menadžer, su odražali trening za facilitatore Friedrich-Ebert fondacije u Sarajevu. Trening je bio iz oblasti primjene metoda Open Space i World Café i trajao je dva dana i na njemu je učestvovalo 16 učesnika, facilitatora.

Trening je imao za cilj da upozna grupu facilitatora sa teorijom i upotrebom metoda rada Open Space i World Café koje će im obezbijediti nove tehnike rada sa velikim grupama učesnika, kroz eksperiment i praktičan rad na samom trenigu učesnici su imali šansu da sami iskuse kako da upotrijebe ove tehnike i kako da nove stečene vještine prenesu na grupe sa kojima budu radili. Učesnici su imali priliku da diskutuju o tome kako da upotrijebe i prilagode ove tehnike u njihovom radu. Trening je rađen na interaktivan način, uključujući učesnike da diskutuju, eksperimntišu i daju doprinos svojim sopstvenim idejama ovoj temi.

PRONI u parlamentu BiH !!!

Predsavnici PRONI Centar za omladinski razvoj Brčko distrikta BiH, Jasmin Jašarević i Katarina Vučković, su prisustvovali nedavno održanoj 21 sesiji Igmanske inicijative koja je održana u Sarajevu, kao i svečanoj sesiji povodom 10 godina od osnivanja Igmanske inicijative, koalicije nevladinih organizacija iz zemalja regiona, na kojoj je bila i promocija Foruma mladih Igmanske inicijative.

Ovom prilikom sesiji su prisustvovali i držali govore predsjednik CG Filip Vujanović, predsjednik Srbije Boris Tadić, predsjednik Hrvatske Ivo Josipović, predsjedavajući Predsjedništva BiH Haris Silajdžić, te šef delegacije Evropske Unije u BiH.

Igmanska inicijativa je dobila ime u znak sjećanja na proljeće 1995, kada je grupa od 38 intelektualaca i antiratnih aktivista iz Srbije i Crne Gore, poslije 48 sati putovanja preko Mađarske i Hrvatske, preko planine Igman, kroz improvizovani tunel ušla u Sarajevo.

PRONI akreditovan za rad na Upozora- vanju na mine!!!

PRONI Centar za omladinski razvoj Brčko distrikta BiH je 19.04.2010 . godine akreditovan za izvođenje aktivnosti na provedbi protuminskih akcija prema odredbama Zakona o deminiranju u Bosni i Hercegovini i Standarda za uklanjanje mina i neeksplozivnih sredstava u Bosni i Hercegovini za aktivnosti PMA:

Upozoravanje na mine:

po sadržaju specifičnih djelatnosti:

„planiranje upozoravanja na mine za ugroženu zajednicu“

„implementacija programa za upozoravanje na mine“

„ hitno obilježavanje“.

Akreditaciju izvršila Komisija za deminiranje BiH u sklopu Ministarstva civilnih poslova. Akreditacija važi u roku od 19.04.2010. godine do 19.04.2011. godine.





Nešto više o PRONI-u

Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama Brčko distrikta.

Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni je u EVS (međunarodni volonterski servis za razmjenu volontera).

Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješenje konflikta, grupni i timski rad.

Omladinska politika

PRONI se već duže vrijeme bavi razvojem omladinske politike za Brčko distrikt u saradnji sa drugim omladinskim organizacijama, te razvojem i promocijom omladinske politike u Bijeljini.

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004 godine.

Naša vizija:

PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.

PRONI Centar za omladinski razvoj

Ul. Bosne Srebrene br. 16.
76101 Brčko
tel/fax: +387 49 217 695

Ul. Ivana Gorana Kovačića br. 5.
76000 Bijeljina
tel: +387 55 213 046

pronibrco@teol.net
www.pronibrcko.ba